

БЕЛӨЙЯС ДЫРЙИ (гудрасьом)
(сьыланкыв)

-«Кор нин краснэй права кулө?
Öдйөнжык мед мунас ылө!
Саридзьясö (2 пөв)

Кулакъястө лэптө ылө!
Белэй чукөр локтө-кылө
Зарниясöй! (2 пөв)

Лун-мөд нин, пө, найö карын,
Кайтө йөзлы Семан Марин,
Вомыс пуö,- (2 пөв)

Самей пöру - няня арын,
Мужик локтас - ловö барин -
Югыз кыа. (2 пөв)

Белэйясыд то нин, то нин!
Мыччысисны «Сёська-чойын»,
Кежö ставөн! (2 пөв)

Звөнтө ватагаөн лэптө!
Корö батюшкотө-поптө,
Вежа ваөн (2 пөв)...»

Окочейөн вичко тырис,
Коді кужис - быдөн сьыліс
Акапистөн. (2 пөв)

Сэні Гашö кыськө чужис,
Краснэй права сылы чушис –
«Антикрислөн». (2 пөв)

Кыті коми, кыті рочөн,

Йөзөс тыртис первой речөн,
Кыдзи колө. (2 пөв)

- «Дыр нин ветлі бөжтөм көчөн,
Мукөд луннас ва ни сөчөн...
Сідзи ола». (2 пөв)

Сэсса йөзлы: «Кыдз-нө, мый-нө
Няньыд тиян гуын куйлө,
Кык-куим пуд. (2 пөв)

Позьө лэдзны курыд выйтө –
Права вежсис - ю көть мыйта,
Некод оз кут. (2 пөв)

Кывзөй, кывзөй, коді пеля:
Быдтор йылысь петіс вөля
Сывтыртөмөн. (2 пөв)

Коді пуксьө вөлі гөльө,
Сылысь джагөдам ми голя,
Шыртыштөмөн. (2 пөв)

Челядь, зіля, Челядь, гора
Важ моз сывны босьтчө бара...
Гажа пөра. (2 пөв)

Паськөм вежсяс, оз ло дөра,
Вайөм төвар чөлөй гөра,
Мича сера. (2 пөв)

Ситеч - нойтө юкам быдөн,
Воас сійө аршын витөн,
Сатин сорөн. (2 пөв)

Артө кодьлы ной ни ситеч

Плешкас сетам ыджыд свинеч
Порок сорөн. (2 пөв)

Кутшөм гөльлы уна төдөм?
Клубын частө быттьө содом,-
Сійөс тупкам. (2 пөв)

Гөгөр чышкам, мыскам, косьтам,
Сэтчө Управа ми восьтам,
Чиньяс пуктам». (2 пөв)

Скодьяс вылын өткодь котыр -
Марина да Илля гөтыр,
Чиклясьёны. (2 пөв)

Войын узылөм оз и овлы,
Ыджыд абу-оз ков повны,
Суклясьёны. (2 пөв)

- «Шаньга, рыська... чөскыд няньтө
Белэйяслы, Парө, вай тэ,
Да гөбөчсьыд». (2 пөв)

- « Сёйө, сёйө, мича йөзөй,
Сэсса краснэйястө резөй
Автоматсьыд. (2 пөв)

Найө понда оз позь петны,
Сьөлөм чеччө - көсйө потны...
Омоль олөм. (2 пөв)

Беднэйяссө ваө вөйтны!
Биөн сотны, либө нөйтны,
Колям полөм... (2 пөв)